

est. Ita etiā corpus quod in eo est, vel esse potest. At corpus & quod leuitate in sublime, & quod grauitate deorsum fertur, in eo esse potest. Natura enim sua illud à medio, hoc ad medium mouetur. Ex his ergo perspicuum est, infinitū immensūque corpus esse non posse. Ac præterea si grauitas non est infinita, ne horum quidem corporum ullum immensum futurum, præsertim cū infiniti corporis necesse sit interminatā etiā esse grauitatē. Similisque est ratio leuitatis. Si enim infinita est grauitas, leuitas etiā est, si infinitū immensūque sit id quod omnibus eminet. Sit enim finita, sumaturque *A B* infinitum corpus, *C* autem eius grauitas & pondus, detrahatur etiam ab eo quod infinitum est, *B E* definita magnitudo, & *E* sit eius grauitas: profectō *E* grauitas erit, quā *C* minor: minoris enim minor est grauitas. Dimetiatur ergo minor grauitas maiorem aliquoties repetita, & *B D* cum *F B* ut minor grauitas cū maiore conferatur: ab eo enim quod infinitum est, quantumlibet auferri potest: certē si magnitudines & grauitates eandem rationem inter se habent, & minor grauitas minoris est magnitudinis, maior etiā maioris erit. Ita par erit, & æqualis rei terminatæ & interminatæ grauitas. Præterea si maioris corporis maior est grauitas, maior *G B*, quā *F B* grauitas erit. Ita maius erit rei determinatæ pōdus, quā interminatæ, magnitudinūque inæqualium idem erit pondus, cū res terminata & finita infinitæ sit inæqualis. Nec refert utrum grauitas grauitatem æquare dimetiendo possit, an non possit. Ut enim non possit, eadem erit vis rationis: ut si *E* grauitas tertio *C* grauitatem metiens superet. Si enim *B D* tres magnitudines totæ sumantur, maius ipsarum quā *C* pōdus erit. Ita idem incommodum sequetur. Sumi etiam possunt eiusmodi quæ metiendo æquare se possint. Nihil enim interest à pondere incipiamus, an à magnitudine. Ut si *E* grauitas sumatur, quæ grauitatem *C* æquare dimetiendo possit, & ab eo quod infinitum est id quod *E* grauitatē cōtinet, ut *B D* auferatur: deinde quā rationē pondus ad pōdus habet, eandē *B D* ad aliam magnitudinē, ut ad *B F* habeat. ab eo enim quod infinita est magnitudine, quantumuis detrahi potest: profectō his ita sumptis ac cōstitutis, & magnitudines & pōdera dimetiēdo se æquabunt. Nihil etiam intererit ad probationem, sitne pari,